



TOSHKENT DAVLAT YURIDIK UNIVERSITETI REKTORINING BUYRUG‘I

22.06.2023

102-um-son

30-iyun “Yoshlar kuni” tadbirlarini yuqori saviyada tashkil etish to‘g‘risida

O‘zbekiston Respublikasi Prezidenti rahbarligida 2023-yil 11-aprel kuni “Yoshlar siyosati sohasidagi ishlar natijadorligini oshirish hamda ular bilan ishlash tizimini yanada takomillashtirish chora-tadbirlari yuzasidan o‘tkazilgan videoselektor yig‘ilishida berilgan 18-son topshiriqlar bayoni, O‘zbekiston Respublikasi Vazirlar Mahkamasida 2023-yil 1-iyun kuni “Yangi O‘zbekiston yoshlari birlashaylik!” shiori ostida yoshlar sayllari va ma’naviy-ma’rifiy tadbirlarni tashkil etish chora-tadbirlari to‘g‘risida o‘tkazilgan 103-son yig‘ilish bayoni, O‘zbekiston Respublikasi Prezidenti Administratsiyasining 2023-yil 6-iyundagi 17-1072-son topshiriq xatida belgilangan vazifalar ijrosini ta’minlash, Yoshlar kuni munosabti bilan universitet faoliyat samaradorligiga o‘zining munosib hissasini qo‘shib kelayotgan hamda ijtimoiy faol talabalarni munosib rag‘batlantirish maqsadida

BUYURAMAN:

1. O‘zbekiston Respublikasi Vazirlar Mahkamasida 2023-yil 1-iyun kuni o‘tkazilgan 103-son yig‘ilish bayoni hamda O‘zbekiston Respublikasi Prezidenti Administratsiyasining 2023-yil 6-iyundagi 17-1072-son topshiriq xati ma’lumot va ijro uchun qabul qilinsin.

2. Quyidagilar:

Iyun oyi Respublikamizda “Yoshlar oyligi” deb e’lon qilinganligi va oylik doirasida bir qator tadbirlar amalga oshirish belgilanganligi;

“Yoshlar oyligi” doirasida universitet talabalari uchun 20 ga yaqin loyihalar, davra suhbatlari, uchrashuvlar, sport musobaqalari o‘tkazilganligi hamda oylik doirasida 800 dan ortiq talabalar qamrab olinganligi inobatga olinsin.

3. Toshkent davlat yuridik universitetida o‘tkazilgan “Yoshlar oyligi” yakunini “Yoshlar kuni” sifatida Talabalar turar joyida keng nishonlansin.

4. Ma’naviyat va ma’rifat markazi (Sh.Po‘lotov) hamda fakultet dekanlari O‘zbekiston yoshlar ittifoqining Universitetdagi boshlang‘ich tashkiloti bilan

birgalikda:

“Yoshlar kuni” tadbiri hamda “Yoshlar oyligi” doirasida o‘tkazilgan loyiha g‘oliblarini munosib rag‘batlantirish choralarini ko‘rsin;

Talabalar turar joyida konsert shou-dasturi, badiiy chiqishlar hamda bayram dasturxonini tashkil etish choralarini ko‘rsin;

bayram dasturini yuqori saviyada, texnika xavfsizligi qoidalariga rioya qilgan holda tashkil etish hamda unda talabalarning munosib ishtirok etishini ta’minlasin.

5. Moliya-iqtisod masalalari bo‘yicha prorektor A.Iminov:

“Yoshlar kuni” munosabati bilan o‘tkaziladigan bayram dasturi ishtirokchilari uchun osh damlash va bayram dasturxonini tashkil etish bo‘yicha tegishli tashkilotlar bilan o‘rnatilgan tartibda shartnomalar rasmiylashtirish choralarini ko‘rsin;

“Yoshlar oyligi” doirasida o‘tkazilgan loyihalarda munosib ishtirok etib g‘oliblikni qo‘lga kiritgan hamda universitet faoliyat samaradorligini oshirishda o‘zining munosib hissasini qo‘shib kelayotgan ijtimoiy faol talabalarni rag‘batlantirish maqsadida 80 donadan universitet belgisi tushirilgan futbolka, kepka, blaknot, ruchka hamda qog‘oz paketlarni taqdim etilishini nazoratga olsin.

6. Mazkur buyruq ijrosi nazoratini prorektorlar A.Xashimhonov hamda A.Iminovlar zimmasiga yuklatilsin.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Moliya-iqtisod ishlar bo‘yicha
prorektor

A.IMINOV



Bosh buxgalter

M.PARPIYEV



yuriskonsult

D.ALIBOYEV

